

Gij Saeh Ndaw Diemqfaenj Iq

□ Vangz Gijveiz

“Raeuz gizneix mbouj miz maz Leizsinzsanh, mbouj miz Hoj-sinzsanh, hix mbouj miz Cungh Nanzsanh, danghnaeuz byawz mbouj ciuq gvidingh banhsaeh, couh cij ndaej ram hwnj bya bae moekmag!” Gij byauhyij fangzgung sinhgvanh feiyenz lij daengj youq bak mbanj. Binghraq sinhgvanh feiyenz lij caengz sanq, lij gyuempluemz youq ndawbiengz.

Rumzcín cífifi, gij rum rog cueng bienq ndaej heuswdsd lo, ndit cin raeuj vunz, duzgoep seizdoeng hix nyaenx mbouj ndaej daj ndaw congh iet gyaеuj okdaeuj lo, youq laj yiemhranz, roegenq heuh mbouj dingz. Geij ngoenz neix, Vujhan mboujduenh cienz siusik ndei daeuj, vunzlai cungjsuenq ndaej soeng gaemz heiq lo, gak daih gunghcangj giyez、cauhsi、bouq hix youq cwngfuj anbaiz lajde miz diuzleix haihong lo.

L yienh dwg youq henzgyaiq baihnamz guek raeuz, dwg aen yienh iq ndeu, Hizcingz Faenjdiemq youq baihnamz ndaw singz, seizneix, rog dou seiz mbouj seiz miz mbanj hek daeuj gwn ngaizromh, daihgya cungj gag rox gek mij haj doxhwnj. Bakdou laeb aen daiz cienmonz rau ndangraeuj ndeu, daihgya gonqlaeng rau gvaq ndangraeuj le cij ndaej haeuj ndaw diemq bae gwn faenj. Youq ndaw ranzcauq, bouxgaifaenj daep goujcau cingq nyaengqfoedfoed hawj bouxhek cawj faenj. Boux gwn faenj hix gag rox youq henz congз gek mij haj doxhwnj.

Gij lwgmbauq lwgsau cingq baiz doih, miz dah sau he cam daeg mbaup henz he: “Mwngz dwg daj gyawz daeuj ha?”

“Gou daj Liujcouh daeuj, mwngz ne?” Lwgmbauq gek aen goujcau naeuz.

Boux lwgmbauq cingq gwn faenj

ndeu coh aendaiz laenzgaenh dabsau cang ndaej seizhwnг nyumx byoem henj dap vah naeuz: “Hai, dabsien, mwngz daj gyawz daeuj ha?”

Dabsau nyumx byoem henj ngiengxyaeuj naeuz: “Gou, gou, gou dwg daj Vuj……” Vah caengz gangj sat cix sawqmwh laebdaeb ae geij mbat mbouj dingz.

Gij sing ae’ngab neix couh lumjnaeuz mbwn ndit byajben nei, daegmbauq haenx baez saemxsax he, couh gipmuengz goemq bak ndoj gvaq mbiengj he bae. Gij vunz cingq baiz doih hix goq mbouj ndaej caj gwn faenj lo, doq heuh: “Ha! Mwngz dwg daj Vujhan dauqma ha?” Gij sing soem hemq lumj cim nei saek haeuj rwz vunz bae. Daengx aen diemqfaenj luenhlablab hwnjdaeuj lo, gyoengq bouxhek sikhaek buet deuz caez lo, dan ndaejnyi “dangh langh” sing ndeu, yenzlaiz dwg aen cok ndaw fwngz bouxcawjfaenj doek roengz gwnznamh.

Lauxbanj diemqfaenj sawqmwh roxninh gij cingzgvang mbouj deng lo, daep dwk goujcau sikhaek fokndaq naeuz: “Saulengj ha, mwngz dwg daj Vujhan daeuj ma?”

“Mbouj, mbouj, mbouj dwg ne, gou, gou dwg daj Vuj…… Vujlingz daeuj.”

“Mwngz couh naengh youq gizhaenx, daep goujcau ciengeiz gaej doengh bw!” Gangj le, lauxbanj diemqfaenj doq dawz soujgih okdaeuj daj denva hawj yihyen.

Gvaq le yaep ndeu, gij singdig 120 yiengj doh gwnzmbwn baihnamz ndaw singz, daj gyae daengz gyawj, cingq coh Hizcingz Faenjdiemq ganj daeuj.

Daengz lo, doengh boux canghyw youq gwnz aen cigiuhu daenj buh fuengzre riengjret roengz ci, cigciep cung haeuj ndaw diemq bae cam dah

nyumx byoem henj haenx.

Dabsau nyumx byoem henj gejnaeuz: “Gou, gou dwg daj Vujlingz Yangh daeuj, caen mbouj miz ma vwndiz, haxbaenh dwg daegmbauq he cam gou daj gyawz daeuj, gou cingqngamj deng saekndaek, vah caengz gangj sat couh ae le geij sing. Baenzneix caezgya couh simvuengz hwnjdaeuj lo.”

Boux husw ndeu naeuz: “Seizneix dwg mboengq seizgeiz youqgaenj, vihliux hoenx hingz binghraq, mwngz lij dwg hwnj ci caeuq dou bae yihyen guh genjcaz baez he ba!”

Gij singdig 120 yied daeuj yied bienq iq, cigiuhu hai bae yihyen lo. Lauxbanj diemqfaenj raen le cij soeng gaemz heiq ndeu. Cekfan mbat ndeu, bouxhek deuz caez lo, seng’eiq hix guh mbouj baenz lo. Hoeng. riengz-laeng de youh nyaengq hwnjdaeuj lo, de caeuq lajfwngz yungh ywraemx siudoeg dawz daengx aen diemq ndaw rog cungj byoq mbat ndeu, cij gven dou hung aen diemq hwnjdaeuj.

Lauxbanj diemqfaenj gag ngeix: Aen seizgeiz yungyiemj neix, vihliux gij ancienz daihgya, seng’eiq mbouj guh couh suenq lo. Gou aeu seizseiz singjgaeh, miz maz mbouj deng couh

bauq hawj baihgwnz bae! Maqmuengh dah sau neix mbouj miz maz bw, dou geij boux ndaw diemq guhhong youq gizneix ra ndaej goj gekliz, haetneix baenzlai bouxhek daeuj gwn faenj, bae gyawz ra ndaej gyoengqde dauq genjcaz?”

Vah naeuz, Dabsau nyumx byoem henj haenx deng daiq bae daengz yihyen le, doq miz gingcaz daeuj bang diucaz. Yenzlaiz de caen dwg daj Vujlingz Yangh daeuj, daeuj L yienh aen cangj dajgoeng, mbouj dwg daj swngj wnq daeuj, hix mbouj ok swngj gvaq. Mbouj fat ndat, hwnzsonh genjcwz baenz singqyaem, mwhneix, ndaek rin ndaw sim doengh canghyw cij roengz gwnznamh.

Yenzlaiz, boux dabsau neix youq diemqfaenj cawx vanj faenjlwgsae daeuj gwn, bouxgaifaenj cuengq lai manh, de nyinhnaeuz bonjfaenh lij gwn ndaej couh laebdaeb gwn lo. Doeklaeng miz daegmbauq he cam vah, de gangj ndaej di fwt deng saekndaek, ae le baenzroix, seizneix cingq dwg seizgeiz yungyiemj, bouxboux cungj gaenjcieng, cij miz gij saeh neix okdaeuj.

Loengh le byongh ngoenz, gyo-ndaej mbouj miz maz saeh hung. Doeklaeng, lauxbanj diemqfaenj roxninh doiq dah sau neix mbouj gvaq, couh hawj de youq ndaw diemq gwn faenj baenz ndwen mbouj aeu cienz. Dah sau neix hix lijgaij gyoengqde baenzneix guh, gangjmingz caezgya gig yawjnaek fuengzre binghraq sinhgvanh feiyenz.

Liuh mbouj daengz, gij saeh neix mbouj daengz ngoenz he couh cienz doh ndaw singz, engq lai bouxhek daeuj diemqfaenj neix gwn faenj, aenvih gyoengqde nyinhnaeuz boux lauxbanj aen diemqfaenj neix gig fucwz caemhcaiқ simndei.



Dou dawz gij dieghoengq naj moh dangguh daizheiq, hix dangguh cancangz, Ah Cang vad ngafaex, dwg ngw gij yienghcej Liuz Bei gwnz daizheiq hane, rox bongh rox doiq, lumj bouxcienqg. Hoeng diuz ngafaex de dinj lai, yawjngoengngoeng deng gij nyecuk raezrang Ah Gunh dawz bik ndaej cij rox dangj mbouj rox vanzfwngz doxdauq, gwnz ndang laebdaeb deng fad le geij mbat, doiqlaeng foedfoed. Ah Giuh youq henz ngonzyawj sawqmwh mbouj bekfwnгz lo, mbouj rox daj gyawz ra ndaej gaiq benjnduk he, baez yung couh bongh gvaqbae, song fwngz yaengx gaiq benjnduk haenx, dingj gij nyecuk Ah Gunh dawz, daih hat sing ndeu:

“Deng caxcinghlungz gou mbak baez he!”

Ah Gunh ngawh baez he, ciep-

·Sawcuenhrael Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

dwk couh riuhaha hwnjdaeuj, engq haenqrengz bae vad nyecuk, vang bangx veq fad, doq dingj gij ngafaex Ah Cang caeuq gaiq benj Ah Giuh, doq hemq: “Hei! Lij Bu hoenx sam bouxak! Sou Liuz、Gvanh、Cieng sam beixnuengx caez daeuj gou hix mbouj dawz haeujsim!”

De baez haenqrengz, gaj ndaej cingq mizyinx, ndaw fwngz vad nyecuk yiengjhumhum. Gij seiqdaeuz Ah Giuh yienznaeuz hujdengdeng, hoeng

gaenlaeng mbouj mizrengz, song fwngz de yaengx gaiq benjnduk haenx, youh hung youh naek, mbouj lingzvued. Gij ngafaex Ah Cang yienznaeuz gig ndei yungh, hoeng dinj lai, caiqlix de gaenq hoenx le haujlai nanz, baegfofo, ndigah yienznaeuz songde boux naj boux laeng gabhoenx Ah Gunh, hoeng lij mbouj ndaej hingz.

“Cieng Feih ne? Cieng Feih…… Vaiqdi daeuj ha!”

Ah Giuh hemq dwk, muengh coh

baih gou caeuq Ah Veij youq, gou daengx roengz “gij sing gyong”, doiq Ah Veij ndiengqndiengq bak, naeuz:

“Ah Veij! Mwngz guh Cieng Feih! Vaiqdi bae hoenx!”

“Gou dwg Gungj Mingz!” Ah Veij veqveq gyaеuj: “Mwngz bae hoenx ba! Hawj mwngz guh Cieng Feih!”

Gou yawjraen Ah Gunh hoenx ndaej Ah Giuh caeuq Ah Cang fouzfap vanzfwngz, yaek bang songde okheiq, sikhaek diuq hwnj giuzmoh, ngeix ra ngafaex guh fagnangx, cang baenz Cieng Feih bae hoenx, bang Ah Giuh caeuq Ah Cang dwkbaih Ah Gunh, hoeng itseiz cix ra mbouj raen gij ngafaex faexgyaengh doenghgij doxgaiq neix, ndawsim ngeix ceiқ ndei dwg ra ndaej diuz faexsaux daeuj, youh raez youh mbaeu, itdingh hawj Ah Gunh gwn hoj cimz haemz!

(caengz sat)